

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 108 del 19/01/2024

Traduzione in cimbrio

Bãndo vor di gelaichegen oportunitét 2024: vertum, vor benn, baz ma mucht hãm, kontribute

[Cimbrio] Dar öfentle bãndo iz vor di sèlne boda in Trentino bölln vürtrang prodjètte afte gelaichegen oportunitét un kontra dar violentza afte baibar. 'Z mangda inngem àmte boda nètt gebinnen gèlt, boda arbatn in da trianar provintz, anvetze di öfentle àmte mang inngem alz partner. Di àmte interesart mang inngem di vorsum von 15 von hochnach sin atz 13 von hornung 2024.

Ma mage vennen in bãndo aftn sito www.trentinofamiglia.it.

“Dar bãndo bill vürtrang di kultur von gelaichegen oportunitét zo geba kontra in diskriminatziongen un darzua billar soin kontra dar violentza afte baibar” hatta khött di asesora von politike vor di famildje vodar Provintz vo Tria, Francesca Gerosa. Darzua – izze vürgãnt – billar stützan prodjètte boda helvan zo nemma vort baztada impedirt gelaichege oportunitét ”.

'Z mangda inngem di vorsum vo kontributo di àmte boda nètt gebinnen gèlt un bodasan hãm vèrt. Di vorsum muchan khemmen geschikht in “Umse Pari opportunità violenza e criminalità” vodar Provintz vo Tria von 15 von hochnach sin atz 13 von hornung 2024. Ma mage ànemmen di prodjètte boda gem näügez in teritordjo vodar provintz un muchan khemmen gemacht vor in 31 von kristmãnat, ena zo maga soin vorschobet.

Dar kontribut khint gètt vor in 80% von sèll boda khint gezert nã in sèll boda iz khent inngett.

Di àmte boda inngem di vorsum zo haba di kontribute vor di prodjètte boda innvãngen schualn, asile o, muchan vor earst soin darkhennt von “Istituto provinciale per la ricerca e la sperimentazione educativa (IPRASE)”.

Ber da hatt di tschertifikatzion “Family in Trentino, Family Audit un Family Audit Executive” darkhennt vodar “Agenzia provinciale per la coesione sociale”, bart hãm mearar vèrt un mearare pünt, an darkhennum vor bem sa arbatet vor di famildje un vor di aziende boda auzpezzarn di arbat haltante kunt vo baz da hãm mengl di famildje.

Dokumentn aft link:

<http://tinyurl.com/bdhw2urf>

Zo bizzasan mearar:

Umse Pari opportunità prevenzione violenza e criminalità

Agenzia per la coesione sociale

email: umse.pariopportunita@provincia.tn.it

tel. 0461/493839

Übersetzt von Türle afta Zimbarzung von Kamou vo Lusérn

(cdt)